

Умматим, умматим деб йиғлаган зот



11:00 / 06.02.2021 2406

(биринчи мақола)

Ота-онамизни, ака-ука, опа-сингилларимизни, фарзандларимизни нега яхши күрамиз? Чунки уларни яқындан таниймиз, нима ёқтиришлари, нима кийишлари, қандай гапиришлари, қандай юришларини пухта биламиз. Қолаверса, ўртада ота-болалик, она-болалик, қондошлик, жигарлик ришталари ҳам бор.

Баъзан танимаган кишимиз билан оддий кўришсак, бирор киши келиб, ўша одамнинг биз яқындан танийдиган танишимизнинг ўғли ёки укаси эканини айтса, ўртадаги масофа қисқариб, аввалгидан кўра яқинроқ масофада кўришамиз.

Аллоҳ таоло Қуръони Каримда шундай деб марҳамат қилган:

مُكْبِلَعْ صَرَحْ مُتَنَعْ آمِرْ يَلْعُزِي رِيزْ مُكْسُفَنْ أَنْمُلْ وُسَرْ مُكْعَاجْ دَقَلْ
مِيَحْرُفُوَرَنْ يَنْمُؤْمَلَابْ

«Батаҳқиқ, сизларга ўзингиздан бўлган, мashaққат чекишингиз унинг учун оғир бўлган, сизни ардоқловчи, мўминларга мушфиқ, меҳрибон Расул келди» (Тавба сураси, 128-оят)

Аллоҳ таоло бу оятда Пайғамбаримиз соллаллоҳу алайҳи васалламнинг бир неча сифатлари баён этяпти. Булар:

Ўзингиздан бўлган.

Яъни, фариштадан эмас, инсон наслидан бўлган Пайғамбар.

Машаққат чекишингиз унинг учун оғир бўлган.

Яъни, мўминларнинг қийналишлари, озорга учрашлари Пайғамбаримиз соллаллоҳу алайҳи васалламга оғир бўлган.

Сизни ардоқловчи.

Яъни, сизнинг ҳидоят топишингизга ҳарис, ҳақ йўлда бўлишингизга ўч бўлган Пайғамбар.

Мўминларга мушфик, меҳрибон.

Яъни, ўз умматлари учун мушфик, меҳрибон, уларга осонликни истайдиган, мешаққат бўлишини истамайдиган Пайғамбар.

Пайғамбаримиз соллаллоҳу алайҳи васаллам биз умматлари учун ана шундай меҳрибон, ҳидоятда бардавом бўлишимизга ҳарис, мушфик эдилар. Биз ҳамма инсонлардан ҳам кўпроқ у зот соллаллоҳу алайҳи васалламни яхши кўришимиз керак.

Анас ибн Молик розияллоҳу анҳудан ривоят қилинади:

«Расууллоҳ соллаллоҳу алайҳи васаллам: «Сизлардан бирорталарингиз мени фарзандидан, ота-онасидан ва одамларнинг барчасидан кўра кўпроқ яхши кўрмагунча ҳақиқий мўмин бўлолмайди», дедилар.

Хўш, биз Пайғамбаримиз соллаллоҳу алайҳи васалламни барча инсонлардан кўра кўпроқ яхши кўрамизми?

Биз Пайғамбаримиз соллаллоҳу алайҳи васалламни ота-онамиз, оила аъзоларимиздан кўра яхшироқ, яқинроқ таниймизми? Биз ахир у зот алайҳиссаломнинг умматларимиз.

У зот соллаллоҳу алайҳи васаллам:

- қандай инсонларни ёқтиришларини
- қандай амалларни ёқтиришларини

- хулқлари
- либослари
- оиласиң ҳаётлари қандай бўлганини
- фарзандлари
- жуфтуклари кимлигини
- фазилатлари қандай бўлгани
- қанча ғазотларда иштирок этганлари
- нечта ҳарбий гурӯҳни турли жойларга юборганлари
- инсонлар билан қандай муомала қилишлари
- насаблари
- ташқи кўринишлари қандайлиги
- қачон пайғамбарлик келгани
- ваҳийни қандай қабул қилишлари
- Маккада неча йил турганлари
- Исро ва Меъроҷ воқеалари қачон, қандай содир бўлгани
- хижратлари
- Мадинада қанча яшаганлари
- неча ёшларида Рафийқул Аълога интиқол қилганларини биламиزمى?

Агар шуларни ихлос билан ўргансак, у зот соллаллоҳу алайҳи васалламни қаттиқ яхши кўриб қоламиз.

Ўзимизга савол берайлик:

«Пайғамбаримиз соллаллоҳу алайҳи васалламни кўпроқ яхши кўраманми ёки ота-онамними? Ёки фарзандларимними? Ёки оиласиң ними? Ёки ака-укаларимними? Ёки опа-сингилларимними? Ёки пул, тижоратними? Ёки машинамними?»

Бу саволга нима дея оламиз? Бу кимнидир имтиҳон қилиш эмас, ҳар бир одам саволни ўзига бергач, ҳолатини ўзи билади.

Пайғамбаримиз соллаллоҳу алайҳи васаллам биз умматларини ўйлаб, кўзларига ёш олдилар. Умматим, умматим” деб изтироб чекдилар. «Биродарларимни кўргим келди» деб, у зот биз умматларини «Биродарларим» деб атадилар. Шундай Пайғамбар соллаллоҳу алайҳи васалламни севмай бўладими?

Ҳабибимиз соллаллоҳу алайҳи васалламни қандай яхши кўришни саҳобаи киромлардан ўрганамиз. Улар гаплари орасида тез-тез «Жоним сизга фидо бўлсин!» дердилар.

Пайғамбаримиз соллаллоҳу алайҳи васалламни ота-онамиздан, фарзандларимиздан, ўзимиздан ва барча инсонлардан кўра кўпроқ яхши кўрмагунимизча, иймонимиз комил бўлмаслигини унутмайлик!

Севикли Пайғамбаримиз соллаллоҳу алайҳи васалламни кўпроқ, яқинроқ танишга уринайлик ва бу уринишимиизни йил бўйи давом эттирайлик!

(Давоми бор)

Нозимжон Ҳошимжон тайёrlади